

# KUTONDEZEGWA

 Antomwe a bumboni obu atwaambo twaambwa ku mucizi wesu wakatusiya, Ndi yanda kusiya majwi aya, ambebo. Kuzibilana kwangu kutaanzi a mukwasyi wabana Bell wakali mulumi wakwe, Jimmy, oyo wakali mweenzinyina wamunsi kuli bataata bangu abo bakaunka. Elyo mpawo kuboola kwa myaka, Nda kaba mukutausi alimwi waka zibilene a Mucizi Bell, a ku muziba mbuli Munakristo wini ulipede. Toonse tuyo muzimba, koonse. Ncitete loko kwaamba majwi aa muntu umwi mbuli oyu, nkaambo to elede kusisa cintu cili coonse. Waa kali eco cakali kuyandika kuba Munakristo.

<sup>2</sup> Cindi Ne mvwa mucizi kaimba, kaindi kaniini kainda, kula ndiyeezya loko kwiimba kwakwe, mbuli mbo tumuzyi kubesena okuno. Waa kali kubotelwa kwiimba. Ndili kkomene loko kuti eci caka citwa, nkambo cakabambwa obo ncobeni Mucizi Bell mbwaka nolimvwa. Waa kali kuyanda kulinondezya mwini mu nzila eyo. Mupailo wangu, a mupailo usinizizye ngwakuti, toonse tuyo boola ku mamanino aa lweendo a bumboni mbuli mbwa kajisi.

<sup>3</sup> Ndi yanda kubala amwi kuzwa ku Lugwalo awa, cibeela buyo. Ndi limvwa kuti waa kali sikuyanda mupati loko wa Ijwi Iya Leza, alimwi Ijwi Lyakwe Ndya Butamani loko. Elyo Nda kayeeya kuti inga Nda bala cibeela capipati 14 ca—ca Jobu.

*Muntu oyo uuzyedwe ku mwanakazi ngwa mazuba masyoonto, kazwide mapenzi.*

*Ula fulula mbuli lubaluba, aku ngokelwa ansi: ula zimaana akwalo mbuli ceenzule, akuta zumanana.*

*...sena wajula meso aako aali umwi uli boobo, a kundi leta mu lubeta a nduwe?*

*Nguni ukonzya kuleta cintu cisalala kuzwa ku cisofweede? taakwe umwi.*

*Mukubona mazuba akwe akaimikwa, mweelwe wa myeeki yakwe uli a nduwe, wa ka musalila mu kwaangwa oko nkwa takonzyi kwinda;*

*Kunyona kuzwa kuli nguwe, kuti akonzye kulyookezya, kusikila aka manizye, mbuli sikubelekela kuvola, buzuba bwakwe.*

*Nkambo kuli bulangizi ku samu, ikuti na lyagonkwa, kuti liyo syuuka alimwi, a kuti mitabi ya busonje yawo tai kamani.*

*Nekuba kuti tuyanda walyo wabola muvu, a cisiko calyo cafwa mu bulongo;*

*Nekubaboobo ku bunufu bwa maanzi uyo syuuka, aku komena . . . mbuli kasamu.*

*Pele muntu afwa, ula zimaana: inzya, . . . walo ula fwa, nkabela uli kuli?*

*Mbuli meenda ayuminina mu lwizi, a kupaya kulamana a ku yuminina:*

*Aboobo muntu ulalala, a kuta buka: mane majulu kaa taciliko, taba kabuki kuzwa mu ng'onzi, nanka ku busigwa kuzwa mu koona kwabo.*

*O kuti wa ndisia mu cuumbwe, kuti uyondi salila ii maseseke, kusikila mazuba aa bukali bwako akainde, . . .*

*Ikuti na muntu wafwa, sa uyo pona alubo? mazuba oonse aa ciindi cangu cisalidwe Njo lindila, mane kucincwa kwangu kukasike. Ndi . . .*

*Yebo uya kwiita, . . . Njo kwii ngula: yebo uyooba a kuyandisya kucita ii mulimo wa janza lyako.*

*Nkambo lino wa kabala ntaamo zyangu: . . . yebo ulangilila zibi zyangu na?*

<sup>4</sup> Kubala kuzwa ku Ijwi Litamani, Ndi yanda ndiswe kuyeeya aa bbala lyomwe kwa ziindi zisyoonto, alimwi bbala eelyo ngu: *Kutondezegwa*.

<sup>5</sup> Kuli kunji loko kwabuumi oko kutondezegwa. Elyo kwiina umwi oyo uupona aa nyika pele kuti ciindi cimwi mu buumi bwakwe uleelede kwiima a kuyeeya oko nkwa kazwida, ino mbukanze nzi bwakwe okuno, alimwi oko nkwa unka kuzwida eno. Bantubonse balayanda, banga bayanda kulanga kwiindilila cisitilizyo.

<sup>6</sup> Kubala awa kuzwa ku Bbuku lyakaindi maningi mu Bbaibbele, Jobu, sikale oyu, wa kali kusola kujana cintu eci nciconya. Elyo wa kali kupa kuyoya ku kuyandisya kwa Leza, kutondezya kuti Wa kali i-i buumi kumane lufu.

<sup>7</sup> Tu lamvwa eco ziindi zimwi tula limvwa obo, cindi twa zundikizigwa ku cintucimwi mbuli ceeci, kuti eci camana. Pele tacili obo. Nku cinca. Ngu i . . . ntaamo yaatala maningi. Nku zwa ku buumi bomwe kuya muli bumbi.

<sup>8</sup> Elyo Jobu, musinsimi, mbuli mbwa kali kuyeeya aa zintu ezi, wa ka cizibya muli zya masamu, buumi bwa masamu, buumi bwa samu. Aboobo wa kali kubona ceeco, obo Leza mbwa elede kuba mu bulenge Bwakwe; kuti na Wa kapanga bulenge, mpawo We elede kuponena mu bulenge, nkaambo Wa kacibamba ku bukanze, kuli Lwakwe kuponena mo, mbuli ng'anda eyo muntu njayo yaka. Aya maumi onse maniini onse ali mu bulenge bwa Leza bwendelezegwa ku Mulengi wabo. Elyo wa kali kuyeeya, kuti, ikuti na guwo lyamvula lya kaboola alimwi lyakali kunga

lyausya cisamu canguzu, nekubabooobo, ayo takali magolelo aa cisamu eco. Inga capona alubo. Ikuti na samu lya kafwa, inga lya pona.

<sup>9</sup> Elyo ziindi zinji, cindi twa nyongana, ikuti na twa langa buyo koonse kuli ndiswe, inga wabona Leza koonse. Lino tuyu Mu bweza, mbuli mu cisamu, ikuti na musamu wabikkwa awa.

<sup>10</sup> Elyo zintuzyonse zili waano nzya kubelekela bukanze, mbuli buyo mbo tuli waano kubelekela bukanze, mbuli buyo mucizi wesu mbwa kabede okuno kubelekela bukanze. Toonse tuli waano ku bukanze bwa Leza, ikuti na twa konzya kujana bukanze obo mbobubede elyo mpawo ku bubelekela kabotu. Okuya, masimpe, ikuti na Leza ulabikkila maanu ku bubuke bwa buumi bwa masamu, Ula bikkila maanu maningi ku bubuke bwa buumi bwabantu.

<sup>11</sup> Aboobo Jobu wa kabona, sikale, kuti—kuti isamu, ikuti na lya kafwa, lya capona alubo. Elyo obo mainza a mapeyo mbwa kacinca zilenge zyabo, alimwi buzuba abumwi mpaawo kwa kasiya bumboni. Wa kabona ikuti i—i samu lyakali kupona mu ciindi ca mainza, a kulibonya mu ciindi camapeyo wa kafwa, matu ayo akalenglela aa samu.

<sup>12</sup> Lino, tula yiisigwa mu Lugwalo, kuti, kuli Samu lya Buumi. Lyu kali mu muunda wa Edeni. Elyo Samu eli lya Buumi ndeelyo Banakristo mpo bajatilide, mbuli tuvu aa Samu eli.

<sup>13</sup> Elyo lino mu ciindi camapeyo, cindi matu nali mabotu, baa, ba...Na, mu ciindi ca mainza, mubwini, cindi matu nali mabotu a griini, kwainda kaindi caanda ciloka casika akaaabikka mibala yandeene, nkabela alaloka kuzwa ku samu. Elyo buumi bula jokela mu miyanda ya samu. Ikuti na twa langisya buyo, ncintu camaseseke.

<sup>14</sup> Awa ciindi cimwi cainda, Nda kalanganwa, ku kanana ku muntu oyo waka taminina kuba muhedeni, sikutasyoma. Elyo twa kaliimvwi munsi lya samu lya apele eco cakali kuzulilwa kuli nguwe. Elyo Nda kamubuzya samu mbo lyakali amyaka yakukomena, elyo wa kandaambila myaka minji loko, alimwi nzinji buti zisuwo zya maapele ngo lizyala amwaka. Elyo eci cakali mu cibeela citaanzi ca Ivvivwi, alimwi Nda kalizi, kabona maapele akali kuwa kale, a matu akali kusanduka bbulauni. Elyo Nda kati kuli nguwe, “Ndi yanda kukubuzya mubuzyo.” Nda kati, “Nkaambonzi ayo matu ncasanduka bbulauni akuloka kuzwa ku sama caanda ka citana ciloka kwauma?”

<sup>15</sup> “Ee,” wa kaamba, “alo mapeyo aaboola. Elyo kaambo nca sanduka kuba bbulauni nkaambo buumi bwasiya matu.”

Nda kati, “Nkokuli buumi nko bwakainka?”

<sup>16</sup> Elyo wa kati kuli ndime, “Kujokela ku tuyanda wa samu, oko nku bwakazwida.”

Elyo Nda kati, “Sa ayo mamanino a matu?”

<sup>17</sup> Wa kati, “Peepe. Obo buumi buyo jokela ciindi citobela alubo ca butololo, kubeleesy matu mapya.” Ta kalina ku cibona.

<sup>18</sup> Nda kati, “Mpawo, Nda kulomba undaambile, munene, Mbupampu nzi bugwisy matu ayo kuzwa ku samu akwalo kakutanaba bube butontola, a kujosya buumi bwao mu bulongo, ku bukwabilizi, kusikila ku kuboola kwa ciindi cimbi. Inga wabikka maanzi mu bbakete a kulibikka aa cikunguzyo, tali kasanduki ku ciindi. Aboobo citondezya kuti kuli Leza Oyo weendelezya buumi.”

<sup>19</sup> Elyo swebo notu taminina kuba Banakristo, abo bazyalwa ku Muuya wa Leza, mbo babede, ku luzyalo lwa Leza, kulonzegwa kuzwa ku samu lya lufu kuya ku samu lya Buumi. Elyo cindi limwi lya matu lyaloka, mbuli Mbwe kamvwa bumboni obo kuzwa ku i...eyi mbungano mbotu, ku Gilt Edge Baptist church, oko bunji bwa beenzuma bayandisi nkobali zizo, oko limwi lya matu aloyo nkolya kaloka. Tu lizi kuti obo buumi bwa jokela kuli Leza Oyo waka bupa ku bukanze bumwi, biyo kuboola alubo mu bubuke bwa boonse; kuta loka alubo, mu Mileniamu. I ciindi cipati cila boola.

<sup>20</sup> Jobu waka bona zintu ezi. Mpawo wa kabona mu buumi bwa zuba.

<sup>21</sup> Ikuti na mwalangisya, cifumo, zuba lila pasuka, walo muvwanda. Mitunga yawo ili kompeme. Mpawo ila boola mu musela wakwe wa bukubusi, kutandila naini na teeni okuloko. Mpawo mu ciindi casikati, akati ka buzuba, lili mu nguzu zyalyo. Mpawo lilatali kuyaansi, alimwi kumalekelo lila bbila alubo Kumbo, mbuli mbo yabaala mu buzuba. Sa inga twa ita eco mamanino aa zuba? Peepe. I cifumo cicilila, lila joka alimwi, kuleta buzuba bupya kuli ndiswe.

<sup>22</sup> Lino, ino eci ncinzi? Bwalo mbubambe bwa Leza. Elyo bbala *kutondezegwa* lyaamba “ku zibya kulimvwa.” Nkutondezegwa kwa Leza...kutondezya kuli ndiswe, ku tulekela kuziba kulimvwa Kwakwe nkambo ka ndiswe, kuti lufu talu twandaanyi Cabutamani. Tuyo buka alubo, kujoka alubo.

<sup>23</sup> Ciindi conse eyo mbuto yafwa mu nyika, mu ciindi cabutololo bwa mwaka, mbuli buyo malubaluba aya, ala, mbuto ziniini zila loko kuzwa kuli ngawo cindi caanda ciloka caauma, nkabela mbuto ilauunka ansi mu bulongo. Elyo mbuli ceenzu mbo cinga calibonya, nekubaboobo mbwini, Leza mupatikampatila loko cakuti Ta kakilwi kubona cintu cili coonse. Uli jisi bubambe bwa dilwe ku lubaluba Lyakwe. Caanda ciloka camana kwauma, mpawo kuboola mvula, a misozi mipati loko, ya madosi a mvula, madosi azwa ku julu, akuzikka eyo mbuto ya lubaluba, kuumma ali njiyo, alimwi ndiza ilaunka inchi na obilo kunsi lya nyika. Mpawo myuuwo ya mapeyo itontola ya talika kufumpa, elyo—elyo zibeela ziniini

zya malubaluba zilamana, nkabela cikuba cakamana, alimwi mpawo kakoto kala tontola akuyuma. Alimwi mpawo mbuto niini ilatontola, alimwi ntuli ya mukati ilazwa muli njiyo. Elyo, baa, ku ciindi ca butololo, tamu konzyi kujana cintu cili coonse cisyeede kuli ncico.

<sup>24</sup> Pele sa ayo mamanino aa lubaluba? Nee. Lya kabikkwa awa ku bukanze. Elyo cindi lyabelekela bukanze bwalyo kabotu, mpawo Leza katulekela kuziba, kwiinda ku lubaluba, kutondezya Kwakwe kuli ndiswe.

<sup>25</sup> Mbuli masimpe izuba mboli swena maningi ku nyika, kuleta mitunga ikasaala loko, inga tosisa buumi obo kulikoонse. Inga wa buvumba atala a mwaala. Sena mwa kasola kubona cindi mwabikkha samende wanu mu ciindi camapeyo, mpaali bwizi mpobuli bunji muciindi cabutololo? Nkoonya kuzunguluka mamanino a samende. Nkaambonzi cili obo? Mboobo buumi kunsi lya mwaala. Cindi zuba lyatalika kufwa kabbila mu nyika, to konzyi ku bukasya buumi. Buya kujana nzila yabo kuzwa kunsi lya samende akunongomeka mutwe wabo atala, akulumbaizya Leza, nkaambo zuba mbubuke. I z-u-b-a mbubuke bwa buumi boonse bwa masamu. To konzyi kucisisa kufumbwa kuti zuba lyamweka.

<sup>26</sup> I M-w-a-n-a uboneka kuba, ziindi zinji, kuba kule maningi. Pele cindi Akutalika kumweka, “I Zuba lya bululami liyo pasuka a kuponya mu mababa Aakwe.” Elyo buumi boonse, takukwe makani oko nkoli zikkilwa, oko kule maningi, mbo kulampa mu meenda, na mu miseenga, mu mabwe, liyo buka ku bulemu bwa Leza.

<sup>27</sup> Nkaambo, Leza uli mukutondezya kuli ndiswe, ku tutondezya buyo eco Ncali mukucita. Bukanze bwakwe mbwa kututondezya, kwiinda mu malubaluba, kwiinda mu zuba, kwiinda mu masamu, kwiinda mu buumi boonse, kuti Ngu bubuke a Buumi. Leza ula busya Buumi Bwakwe cindi bwa belekela bukanze Bwakwe.

<sup>28</sup> Elyo ikuti na lubaluba lyabelekela bukanze bwalyo, alimwi Leza uli jisi bubuke bwa lubaluba, nkunji buti ku mucizi wesu oyo ubelekela bukanze bwakwe mu buumi. Leza uli jisi bubuke kuli baabo babelekela bukanze bwabo. Tula konzya kujana bukanze bwesu elyo mpawo kubu belekela.

<sup>29</sup> Aya malubaluba maniini, inga mwalomba kujatikizya ngawo. Ali waano, masikati aya, kubelekela bukanze. Nce ncico malubaluba aya, Leza waka ajisi ku, kubelekela bukanze. Kuyabuya a kuyabuya inga yaunka.

<sup>30</sup> Ikuti na mwalangisya, aya malubaluba taali mubala nguonya wa malubaluba. Ala impana mu mibala, kutondezya kuti Leza ngu Leza wa kubatama. Ula botelwa mibala yandeene. Ku cisanganya antoomwe kubamba zyakulizya ezyo Nzya yanda. Leza, Leza wa misyobo. Uli jisi malubaluba Aakwe aatuba. Uli

jisi malubaluba Akwe aasubila. Elyo Aakwe, mibala yoonse ya malubaluba, a kwabikka antoomwe kubelekela bukanze Bwakwe.

<sup>31</sup> Uli jisi malundu mapati, a zilundu ziniini, a nkwaalale. Uli jisi lukula. Uli jisi lwizi. Uli jisi musamu wa mubanga, musamu wa palumu. Zintu zyoonse zila sangana mu busena bwazyo, oko, Leza, Leza wa bulenge boonse ulakonzya kupona a kubotelwa buntu Bwakwe, mbuli kuponena mu zilenge Zyakwe mu ciindi, ezyo zibelekela bukanze Bwakwe.

<sup>32</sup> Ikuti na Ula yeeya kunji ku busya eco, a kubamba nzila ya kulobokela kuli eco, ku mulimo mu ciindi ciciza alubo, ino ciinda buti ku bantu Mbwa jisi, katalanganya obo mbo tubede, a mukowa, mubala, kayanza, na zimwi zimbi, abo bakonzya kukkanala antoomwe mu lukamantano lwa Busyu bwa Leza a cilongezyo Cakwe. Ku yooba bubuke, buzuba bumwi, masimpe buyo mbuli mbokuli bubuke bwa lubaluba. Toonse tula bona eco. Toonse tula syoma eco. Toonse tu lizi kuti zintu ezi zyoonse nkutondezegwa. Zila lungulula, ku twaambila, kubamba, mukuziba kulimvwa oko Leza nkwa yanda kuti tuzibe.

<sup>33</sup> Bantu bakatuma malubaluba aya, beenzinyina ba mucizi wesu abo bakatuma malubaluba aya, bala yubununa akwalo ku mukwasyi, kuba tondezya kuti kulimvwa kwabo kwa lweetelelo ku mweenzuma, wa mucizi, na—na muyandwa umwi. A sola kutondezya. Alo nkutondezegwa, kuzibya, kulungulula cintucimwi.

<sup>34</sup> Zintu ezi zyoonse nzyo tukonzya ku kanana, kwa maora, kutondezegwa kwa Leza ku mukowa wabantu, boonse aba bali jisi cibela cabu, nkabela zila beleka kabotu. Lubaluba lyoonse, lyoonse, kupasukakwazuba koonse, kubbila koonse kwazuba, zintu zyoonse zibeleka cibela cazyo kabotu. Pele konse oko nkutondezegwa kwa Leza, kula tuzibya, a ku tupa mukozyanyo, kuti Wa kali kuyo panga kutondezegwa kupati buzuba bumwi, kutondezegwa Kutamani.

<sup>35</sup> Mpawo Wa ka tutuma kuba cinkozya Cakwe caka tondezegwa, mu ciimo ca Mwana Wakwe. Leza wakatuma Mwana Wakwe, mu cinkozya cakatondezegwa Cakwe, kutondezya ku mukowa wabantu eco Nca ka tuyeyela. Wa kacinca cizwato Cakwe. Wa kaba muntu. Wa kaba umwi wesu.

<sup>36</sup> Kuzwa kuli Leza, Taata Uutamani, kuzwa ku Mulengi mupati Oyo, kakutanaba inyika, kazwide mwaakwe oonse, ciindi. Kwakanyina akwalo i—i mita na mita ya mumuni, akwalo kwakanyina atomu na molekyu, Wa kacili Leza. Elyo lyoonse Uyo oba Leza. Pele Umwi mupati Oyo...Ikuti na mwakonzya kulungumana masiku a kubona nyenyezi mu bweende bwa zuba. Myaka imwi yakainda, Nda kajisi coolwe ca kulanga kwinda mu mucilanzyo eci cipati, alimwi oko bataminina kuti

inga wabona spasi laiti ya myaka ili mwaanda a makumi obilo amamilioni, laiti mitasi. Elyo kwiindilila eco kucili myeezi a nyenyeeyezi a manyika, ezyo Nzya endeleyza.

<sup>37</sup> Elyo mpawo Wa kali kubikkila maanu maningi ku kubamba bwaambe kuli ndiswe, mukuziba kuti Walo mupati maningi. Nekubaboobo, Wa kaseluka mu ciimo ca muntunsi, ku kupandulula obo Mbwa kabede. Wa kaba Muntu wa buusu, kazwide kufwaba. Wa kapona buumi bwabantu. Ta kajisi busena bwa kulazika mutwe Wakwe. Wa kali kutondezeyya obo Mbwa kabede, obo Leza mbwa kabede. Wa kaponya balwazi besu cindi nitwa kacisidwe. Wa kabusya bafu, kutondezeyya kuti Wa kali cinkozya ca Leza caka tondezegwa. Wa kabikka bubambe ansi kuli ndiswe toonse, kuti oko akwalo nko tukonzya kulanga kutondezegwa oku kuniini a kubona Leza. Mpawo inga twa langa mujulu a kubona kutondezegwa kwa bulemu bwa Leza, a kuba a kaanzambwene, mpawo, kuti cindi maora aya aboola, aya taali mamanino a ncico.

<sup>38</sup> Nda botelwa kutondezeyya oko mucizi wesu, mu kwiimba, kaamba ziindi zisyonto zyainda, “Oyu mucizi wangu. Nse kakonzya kuyiimba munzila eyi” citakuti waa kalizi awo mpa kabede. Mwabona?

<sup>39</sup> Kuli nzila njo tuzi oko nko tuya, nkaambo cinkozya cakatondezegwa ica Leza cakabikka bubambe obu. Elyo, Wa kati, kufumbwa muntu unga watambula bubambe obu inga uyooba a Buumi Butamani. Johane 5:24 yakati, “Oyo uumvwa Majwi Aangu, a kusyoma Oyo waka Ndi tuma, uli jisi Buumi buteeli, alimwi taka booli mu Lubeta; pele wazwa ku lufu kuya ku Buumi.”

<sup>40</sup> I kutondezegwa konse kupati maningi kwa kwakali kwa Jesu Kristo, Oyo waka panga nzila kuli ndiswe. Wa kazulizya a kusimpikizya kutondezegwa konse oko malubaluba aya, a buumi bwa masamu, a zimwi zimbi, a zuba, a bubambe bwa zuba amapulaneti, bwapa bumboni kakutanaba Kuboola Kwakwe, kuti kwakali kuboola Umwi Uululeme oyo wakali kuyo tubamba ku Kusyoma canguzu, nkaambo Wa kali kuyooba cinkozya cakatondezegwa ca Leza. Elyo cindi Na kasika, a kucita eco Nca kacita, Wa katondezeyya kuti oku kutondezeyya kwakali luleme. Wa kapa kusimpikizigwa kuli mbabo. Nkaambo, mbuli lubaluba mboli buka alubo, samu lilabuka alubo, zuba lilabuka alubo, mbubonya Munakristo mbwaya kubuka alubo. Ci leeleda. Nkaambo, Leza, mu cinkozya cakatondezegwa ca muntunsi, na muntunsi mu cinkozya cakatondezegwa ca Leza, waka citondezeyya kwiinda ku bubuke Bwakwe.

<sup>41</sup> Mpawo, omuya, cindi musinsimi naka bona zintu ezi kazicitika; Jobu, cindi na kabona buumi boonse bwa masamu, azimwi zimbi. Mpawo, swebo notuzyi kabotu Bbaibbele tuli cizi. Kakkede a cilwi eci ca itwe, mu kufwaba, penzi lyaka muuma.

Mamembala aa mbungano yakwe aka mwaambila kuti wa kali ii... wakabisya cakumbali.

<sup>42</sup> Ziindi zinji kwa kaambwa, kuti, "I muntu uufwa ca ciindi citana elela, na cintu cimwi, eco inga caba cibi cimwi neco bakacita. Ba kacita cintu cimwi cilubide." Kutali... Ako takali kaambo ku Munakristo.

<sup>43</sup> Cindi na kabona oku kutondezegwa, kupati kwa mamanino, Leza kazibya bukanze Bwakwe kwiinda muli Jesu Kristo, wa kalila a jwi. Cindi lulabo nilwamweka a mizunzumo yaka ndindima, wa kat, "Ndi lizyi Munununi wangu ula pona, elyo ku mazuba akumamanino Uyo imikila aa nyika. Elyo nekubakuti tuuka twa lukanda twa nyonyoona mubili wangu, nekubaboo mu mubili wangu Njo bona Leza, Oyo Ngweyo bona lwangu." Wa kabona bwaambe bwamamanino, myaanda minji ya myaka kunembo. Pele, mukuba musinsimi, mu cilengaano wa kabona kuboola kwa kutondezegwa kwa Leza kupati.

<sup>44</sup> Wa kali kukonzya kulanga ansi a kabona bubuke bwa inyungu. Wa kali kukonzya kabona bubuke bwa zisamu. Elyo bubuke bwa zuba, nibwa kamana kubeleka ciindi calyo, a kubuka alubo; wakabelekela buzuba, wakabukila buzuba bumbi. Malubaluba akuswaangana komwe kwa dilwe, alafwa, a bubuke bwa kuswaangana kumbi kwa dilwe. Zintuzyonse zibelekela bukanze bwazyo. Mpawo wa kabona, ku musinzo mulamfu, Kuboola kwa Oyo Umwi Uululeme, a kukwiila, "Ndi lizyi Munununi wangu ula pona."

<sup>45</sup> "Mibili wangu uyo pumuna mu bulangizi," wakaamba Davida, "nkaambo Ta kalekeli Umwi Wakwe Uusalala kabona kubola; naanka kuti Uyo siya buntu Bwakwe mu gehena." Wa kabona buzuba obo, obo kutondezegwa kulondokede kwa Leza, eco Nca kali kuyo cita; ku zibya, ku muntu, kuti lufu taluli mamanino aa lweendo.

<sup>46</sup> Aya taali mamanino. Aya matalikilo. Calo mamanino aa buusu. Calo mamanino aa ciindi ca muzeezo. Pele nciindi camatalikilo alutangalo a bulumbu. Ta cili mamanino a zintuzyonse. Calo mamanino buyo aa i—aa zintu zifwika, ku kutalika cintu citafwiki. Waa kaunka ku kulyookezya kwakwe. Leza pumuzya buntu bwakwe.

<sup>47</sup> Lino, wa koompolola oku kutondezegwa kupati, nkaambo wa kabona eco cakali kuyo citika.

<sup>48</sup> Lino atu boole ku kumaninizya oku. Twa bungana okuno sunu, ku—ku kupandulula, na kuzibya kulimvwa kwesu kujatikizya simukoboma, kujatikizya mucizi, kujatikizya mukaintu, kujatikizya mutumbu. Ako nke kaambo neco twa bunganina masikati aya; kuzibya, kutondezya kulimvwa kwesu, kusweekelwa kwesu. Ako nkekaambo neco tuli waano, kucita ceeci. I taata weelede kutondezya kusweekelwa kwa mukaintu; bana, banyina; simukobo, na mucizi.

<sup>49</sup> Swebo to bakutausi. Mbuli Mbwe kabamvwa, kunselelo kwiinda mu buyake, kupa kwaamba oko kabotu, kwabulemu, kuumbulizya, kusoolokede, kuti eco mucizi ncakali kwaamba kuli mbabo, alimwi mu mbunga yabo. Swebo to bakutausi basika, masikati aya. Mubwini, mu myoyo yesu, tula limvwa kuusa, aswebo. Pele twa boola kuziba kutondezegwa kwa Leza, akwalo, Bwini Bwakwe kujatikizya makani oonse aya. Twa boola kutondezya eco Leza ncaamba kujatikizya ncico, ku kuumbulizya myoyo ya bantu; ku bazibya, canguzu mbuli kugambwa kupati mbo kunga kwaba, nekubaboobo cili mu kubamba kwa Leza Singuzuzyonse ku cicita mu nzila eyi, alimwi mbukanze Bwakwe. Elyo aya taali mamanino. Aya matalikilo aa buumi bupywa.

<sup>50</sup> Mpawo swebo Leza mba yiisya mu Ijwi Lyakwe, kujatikizya zintu ezi, twa boola kupa kutondezegwa kwesu. Elyo obo Mbwe kkomene kapati kuli ceeci cimwi masikati aya, kuti toonse inga twa tondezya cintu nciconya ku Ijwi lya Leza, nkaambo waa ka Li zulizya.

<sup>51</sup> Mucizi Bell, mbuli mbo twa kamuzi okuno ku cikombelo, mwanakazi, Munakristo, mubotu musalali, waa kabamba kutondezya kwakwe, awalo. Waa kazibya kulimvwa kwakwe kujatikizya Leza. Mbuli Mbwe mvwa kubalwa kwa makani asikwaazwa, kaindi kainda, akwalo Mukwesu Jim katana mukwata, Nda yeeyela, kunselelo mu Tennessee, waa kabamba kusala kwakwe. Waa kabamba kutondezya bwakwe. Aboobo, bwalo mbumboni. Elyo kuciimo mbuli Mbwe zyi, kuzwa buzuba obo, takaleka kubamba kutondezya oko. Ndiza, sunu, mbuli kutala lya tuzila twaku Julu, kumwi kulaale mu zyooke Zitamani zya Bulemu, keenda mu tugwagwa twa Leza, uci tondezya. Kwiindilila zimvule ezi zya cilao cifwika, uci tondezya.

<sup>52</sup> Mucizi Bell, mbuli mbo tu muzi, taka fwabweeme ku bumboni bwakwe. Taakwe ciindi cimwi nikwakali kufwa bweeme kumwi ku bumboni bwakwe. Taakwe ciindi cimwi na katebela kwaamba cintucimwi. Waa kacitondezya, nkabeli kwiina naka fwabweeme. Obo Mbwe kamubona kaimikila kusule okuya a maanza akwe mu luwo, a misozi kiimbulumukila aa masaya akwe. Kumubona kaimvwi awa aa cikambaukilo eci, a kwiimba nyimbo ezyo ziyo bamba mbungano yoonse kunjila mu kukwiila, kwa Nyika, kuba kulaale kwiindilila awa. Kwiina naka fwabweeme. Waa kapa kutondezya kwakwe ku masena oonse. Simukobo aumwi, mbungano aimwi, koonse nkwa kali cizo, waa kalizibya mwini, katondezya eco ncakali kuyeeya kujatikizya Leza. Bwakali buumi bwakwe, koonse nkawakali kukonzya kuba, waa katondezya obo mbwa kabede muli Kristo Jesu, cilenge cipywa cakazyalwa.

<sup>53</sup> Waa kali mweenzuma mubotu kuli baama bangu bayandwa bakaindi abo—abo bakatanta matantilo ngaonya, mvwiki zisyoonto zyainda. Sunu, bali antoomwe.

<sup>54</sup> Ino ncintu cibotu mbo cibede, kubona kutondezegwa, obo Leza mbwa cita. Magwalo aakwe; Mucizi Bell. Ciindi coonse Nda boola ku ng'anda, Billy, mwana wangu, wakali ku ndiletela nkamu ya magwalo, kutuminwa kwa telefoon, cakuzumanana, kuzwa ku Mucizi Bell. "Kombela umwi *oyu*. Kombela *oyo*." Eco, ino cakali kucita nzi? Kuli ndime, oko nkutondezya kwakwe, walo kazibya eco cakali mukati kakwe; mukuli wa mwaalumi wakwe, mukuli wa bana bakwe, mukuli wa boonse bakali munsi, a bantu boonse baciswa.

<sup>55</sup> Mucizi Bell wakali aafwi kuponena ku luzyalo lwa Leza, myaka misyoonto yainda. Waa kali musyomi uusyomeka mu nguzu zya kuponesegwa kwa Leza. Elyo aboobo caka citika busiku bumwi...Nsena kuba amupaila wakwe mu buumi bwangu, a kukomba a musalali oyo uyandwa mudaala, kusikila, cita Leza nakamuponya.

<sup>56</sup> Elyo busiku bumwi, cindi Ne kaitwa, Nda kazwa kusika kuzwa ku Arizona, kutandila akatikamasiku. Ba kaita mwana wangu akuti, "Mucizi Shepherd, mweenzuma wa Mucizi Bell, uyanda nduwe ku mukombela. Uli mu cibbadela." Nda kacimvwisya kuba Mucizi Shepherd; mulindu umwi, antela mu buyake lino, wa zina lyा Shepherd, oyo ngwazi. Nda kayeeya kuti waa kali mu cibbadela.

<sup>57</sup> I cifumo cakacilila ba kaita kujoka, kutandila ileveni cintucimwi, a kwaamba, "Tali Mucizi Shepherd. Ngu Mucizi Bell, lwakwe, uli mu cibbadela." Elyo kubona ceeco, bweendelezi bwa busongo a makanze aa Leza. Katana konzya kusika okuya, Mucizi Bell wakatanta Matantilo aa ngolide. Ka Nditana kusika okuya, Leza waka somona duba Lyakwe lyा mubala, ku kubamba Kwakwe kwa Mileniamu. Ka Ndi tana sola kusika kuya, wa ka liinkide kuyo swaanganya Leza. Kutondezya kwa Leza kwa luyando Lwakwe!

<sup>58</sup> Myaka eyi yoonse ya lukkomano ku cikwati lwakali kutondezegwa kwa busyomesi bwakwe mbuli mukaintu, ku kubamba muunzi wa mulumi wakwe a bana bakwe. Oko kwakali tondezya kwini kwinda mu ziindi ziymu, cindi bana baniini ku tafule, akupona cabuyumuyumu. Elyo, mutumbu, citola mutumbu kuziba nzila ya kubikka zintu antoomwe, ku zibamba kukkalilila—kukkalilila, cindi milomo miniini ifwide nzala yanooli ku tafule. Pele, amugwasye mulumi wakwe, uusyomeka, amugwasye bana bakwe, kwakali kutondezegwa kwa kusyomeka kwini. Oko kuli kumbele lyा umwi aumwi wanu. Ne taamba ceeco. Muli zyi obo kuba bwini. Mwabona? Iiyi, munene.

<sup>59</sup> A kuta kakilwa kwakwe kulombelela bana bakwe! Nse syomi kuti Nda kasola kumuswaana, na kumusiya, kakutakwe nkumbizyo yakwe ya bana abo. Eco caka tondezya butumbu ncobeni, mukuziba kuti buumi nciloto biyo na busena bwa

kulibambila. Ku bana bakwe, waa kali kuyanda kubaswaana mu Nyika kwiindilila awa, oko kutakabi ziindi zikataazya. Ula zumanana kwaamba kuli ndime...Waa kali kundiita kuti Mukwesu Billy. Waa kali kunga wati, "Mukwesu Billy, kombela bana bangu, taakwe wabo uyo sweeka." Ikuti na eco taci tondezyi butumbu ncobeni; mutumbu ubikkila maanu mu bana bakwe, kabikkila maanu muli basimukobonyina, mulumi wakwe, bayandwa bakwe! Ngu Leza mu mwanakazi, kutondezya zintu Zitamani.

<sup>60</sup> Obo Mbwe etelela a mulumi wakwe, mweenzuma wangu mubotu. Obo Mbwe etelela a balombe abo, kumvwa mulumbe wa bamwi babo mu Germany a masena aindene, mutumbu wakainka. Pele inga kano unkide kuzwa ku busyu bwako awa, balombe, pele ta—ta fwide pe. Ula pona kwalyonse. Walo uponna mu Nyika oko nkwa kakomba kuti umwi aumwi wanu uyo muswaana. Muta mulekeli kutyompwa. Ndili masimpe takaciti.

<sup>61</sup> Nda bona umwi wa kanana kuzwa mu vwili eelyo, masikatiaya. Nda yeeya cindi spoko ntaanzi niya kagusigwa kuzwa ku mukwasyi wangu. Omwe a omwe, bayo mwaika. Ta cika toli ciindi cilamfu. Amuswiilile. Eelyo vwili inga lya kamantanisigwa alubo, mu Nyika imbi oko kutakwe mavwili atyokede, awo buvubi upati bwa Leza mpo bwaka konzya kuzwidilizigwa a kuzumanana kweenda kwiinda mu makkalo. Akube kuti cibe munzila eyo, mukwasyi. Yebo lyoonse wakali jisi baama; lino koba a nguwe kwalyoonse. Mbo mbubo.

<sup>62</sup> Cintu cimbi eco cakatondezya luyandisyo lwa Leza. Mbuli mbo Ndi mvwa, kuti, nkumbizyo yakwe yakali yakuti takacembaali akutola ciindi cilamfu, kutola ciindi cilamfu a kubwezegwa koonse mu kucembaala, a kusunkuta a—a kuciswa ciswa, a kufwa kupela amala. Leza wakapa nkumbizyo eyo. Mbo mbubo. Baa, Munsondo buyo zisyoonto zyainda, waa kaliimvwi awa aa mbungano ya zyuuno, kaimba Makanimabotu aa bulemu bwa Kristo.

<sup>63</sup> Niinzi eci? Ncinzi ca mutumbu oyu, boneka obo, kutana langilwa, utandila myaka ili makumi ali cisambomwe ayosanwe yakukomena, kayabuya? Ino eco caamba nzi? Ngu Leza kalitondezya Mwini, kuti, "Ta kasisi cintu cibotu kuzwa kuli mbabo bayo enda cakululama kumbele Lyakwe." Leza, katondezya mu lufu lwakwe ndulonya, ngu Leza katondezya kuli ndiswe, kuti Ngu Leza, alimwi Uyo pa kuyanda oko kwa moyo Wakwe, moyo wabo, kuti uyoenda cakululama kumbele Lyakwe.

<sup>64</sup> Mukubona obu, kuti Ngu Leza, alimwi toonse tweelede kuboola ku busena obu, mpawo atu lange zitondezyo Zyakwe zya kutondezegwa. Luyando Lwakwe, Mbungano Yakwe, bantu Bakwe, a zintu zyoonse kuti mbo cibede, nkutondezegwa kwa Leza boonse kuli ndiswe. Mpawo Ndi yeeya kuti toonse tweelede

kukotamika mitwe yesu mu bubombe a kulumba Leza ku buumi obu kuti, kwiinda muli Kristo, wazunda alwalo lufu lwini.

<sup>65</sup> Elyo mpawo Majwi aa Jesu cindi Na kaunka ku mwana musimbi wa Jairasi, "Ta fwida pe, pele ulo ona." Waa kaunka ku koona kwakwe, a kutali ku lufu lwakwe. Nkambo waa kafwa myaka minji yakainda, mbuli musimbi muniini, elyo lino ulapona muli Kristo; a koona buyo, kuli ndiswe, pele kusinsimuka a Kristo.

<sup>66</sup> Atu kotamike mitwe yesu mpawo a kupa kulumba ku buumi obu bwacamba.

<sup>67</sup> Taata Wakujulu, mubwini Uli zyi myoyo yesu, mubwini Uli zyi miyeeyo mu mizeezo yesu. Yebo ulizi zyoonse kujatikizya ndiswe. Tuli Bulenge bwa janza Lyako. Yebo ulizi twa usa kubona Mucizi Bell kuti atolwe kuzwa kuli ndiswe. Pele, Leza, tu kotamika mitwe yesu a myoyo, mu kulumba kuti nkumbizyo yakwe yaabilwa, alimwi kuti kuyanda Kwako kuli nguwe kwa kazulizigwa. Kutu, akwalo okuno ku mamanino aa lweendo, cindi bulembu bwabuponi bwakwe bwa kulembwa mu buumi bwa onse ngwaka swaangana, kuti wakali mulanda Wako. Akube kwaciindi cilamfu koongelezya kwakwe kuka pone mu myoyo ya boonse abo bamuzi. Leza, twa komba kuti Uyo bikka buntu bwakwe bwantenze mu Nyika eyo nya kayanda, a kwaambaula a kwiimba zya, myaka eyi yoonse.

<sup>68</sup> Nda kombela Jimmy, masikati aya, Mwami. Cindi Nda mubona kakkede alya, alimwi utondezya miyeeyo yakwe mbuli misozi ya koomoka kuselemuka masaya akwe. Walo uyeeya mukaintu usyomeka. Elyo bana aba balo, misozi kiimbulumukila aa masaya abo, ba yeeya baama babotu. Elyo twa komba, Leza, kuti Uyo balongezya. Ko umbulizya myoyo yabo. Tandabika Janza eelyo, oko kwiindilila kusika kwa cintu cili coonse cimbi, cikonzya kuya ku moyo wa muntunsi, a kubapa kukkutila oku kupati, kuti buzuba bumwi tuyu swaangana alimwi, alimwi tatkabi a kuswaangana kumbi kwa dilwe Okuya.

<sup>69</sup> Longezya bayandwa bakwe, babunyina bakwe, bacizi bakwe, bazukulu bakwe, a basimukobo nyina.

<sup>70</sup> Elyo mambungano aya, Mwami, tu lizi mbo baka muyanda. Mbuli mbwa keenda akati kesu, ba, waa keenda akati kabo. Elyo antoomwe, a mbabo, Mwami, twa—twa abana kulimvwa oku kupati kwa antoomwe, oko nko twa kali kumuyanda. Elyo tuli waano kutondezya kulumba kwesu—kwesu—kwesu kuli Nduwe, ku buumi bwakwe.

<sup>71</sup> Kotu bumba, Mwami, a kutu bamba, kuti swebo, aswebo, cindi twa boola ku mamanino aa lweendo, ndiza katuli bambilide kuswaana Nduwe. Kojatila zibi zyesu zinji, O Leza Uutamani. Kotu fwida luse, Mwami, nkambo tuli kompeme a kudekela.

<sup>72</sup> Elyo Nda komba kuti Uyo tupu kuumbulizigwa, masikati aya. Akube kuti tu cijane mu majwi aya atondezegwa kuzwa ku Ijwi Lyako, kwiinda ku bakutausi bandeene, abaabo baka salilwa kuleta ceeco, alimwi kwinda muli basimukobonyina a beenzinyina. Akube kuti tu jane omuya, a bumboni bwa—bwa malubaluba, a masamu, a kumweka kwazuba, matu, a—a kwiinda zyoonse, a Busyu bwa Muuya Uusalala, oyo uupa bumboni ku bubuke bwa Kristo. “Nse kamusiyi mbuli bamusyaala. Njo lomba Taata, nkabela Uyo mupa Mugwasyi umbi, nkabela Uyo kkalilila kwalyonse.” Oh, obo mbo tu Mu yanda, Mwami! Elyo obo mbo tu Ku lumba ku Mu tuma kuli ndiswe, ku tupu kaanzambwene aka kalelekedwe mu maoora a ciindi ca mapenzi.

Lino kotupa nsana zya kuboola kumbi ku kuswaangana.

<sup>73</sup> Ndi yanda kulomba cisalesale, Mwami, ndyoonya lino ku balombe aba bakkede awa mu unifoomu. Balacoolwe abo balombe, mbuli mbo baya kujoka ku zyuuno zyabo. Pele Nda komba, Mwami, kuti ku buzuba obo... Twa lumba kuli aya mayunifoomu nge basamide lino. Pele akube kuti mupailo wa mutumbu uvwiilwe: akube kuti basamide mu busalali a bululami bwa Jesu Kristo, ku buzuba obo. I basimbi, a boonse antoomwe, Mwami, obo mbo tu yanda kuba, basilumamba Banakristo, lusyomo luyumu ncobeni. Ko tweenzya a kutu lailila kusikila buzuba obo, Mwami, cindi twa swaangana alimwi.

<sup>74</sup> Twa Ku lumba ku buumi bwakwe lino, a kukomba kuti Uyo oba a ndiswe toonse kusikila toonse tuka swaangane ku matende Aako. Mu Zina lya Jesu twa cilomba. Ameni.



*KUTONDEZEGWA* TNG62-0313  
(Expressions)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwabili isikati, Miyoba 13, 1962, waku dilwe ly a Mucizi Mary Bell ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)